



Hmasawna Thar

(AN INDEPENDENT DAILY NEWSPAPER)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room : 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawna Thar Vol - 32/191

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Hmar Writers' Club (HWC) Meeting nei



CCPUR: Hmar fangng ziek le tiem hma ei sawn theina ding le abikin lekhabu siem tieng ei insukhmua tawng sukhmawawna dinga in-din, Hmar Writers' Club (HWC) chun, Ningani dar 10:30am Khan Peace Lane-a Upa L. Kiemlo Pulamte, President Inah meeting a nei a. Chutaka chun HWC-in sawrkâr-a society registration a hmu lawmna le, Treasurer fam lo chang thau Pu Lalsangzuala Varte (Laisaizaw) chawimawina pek dinga a rel tah, inring lo taka a thina leia thaw thei tah lo, thaw kawp dingin an rel ti

thu ei dawng.
Pu Lalsangzuala aiawtu dingin Pi Zosangkim Pudaite ruot a nih a. Lekhabu ziek le sut, zawr le inchâwk ei hrât nâwk zuol theina dinga insukhmua dingin Awards le Recognition chun, Ningani dar 10:30am Khan Peace Lane-a Upa L. Kiemlo Pulamte, President Inah meeting a nei a. Chutaka chun HWC-in sawrkâr-a society registration a hmu lawmna le, Treasurer fam lo chang thau Pu Lalsangzuala Varte (Laisaizaw) chawimawina pek dinga a rel tah, inring lo taka a thina leia thaw thei tah lo, thaw kawp dingin an rel ti

Prime Minister Narendra Modi in UDAN Scheme a hawng Mi retheitak Sliper bun khawm Vuongna an chuong ding a nih: PM

SHIMLA: Prime Minister Mr Narendra Modi chun India ram kilkhawr tak takhai le khawpuihai tak infepawna thalem a um theina dinga private airlines hai thangpui-na ni bawk sawrkâr airlines (India Airlines) suklienna ding mi tamlem, miretheihai khawm vuongna an chuongna khuolzinna mal tlâwm lema inhawi lem an inzin theina dinga scheme pakhat an duong UDAN (Ude Desh Ka Aam Nagrik) hawngna le inzawmin a hmasatak ding Shimla to New Delhi flight chu Ningani khan a hawng.
Hi flight hi abik takin sawrkâr ta Indian Airlines subsidiary pakhat Alliance Air in operate an ta, hi sector bika ding hin mi 42 chuongna ATR vuongna ang chi hmanng a tih. Shimla tlangram le New Delhi phaizawl tung zawmna ding chun boruok hi a thatak lein chu lampui chu sawrkârin suklienn le sukchhangtung a tum a nih.
Prime Minister chun, "Siliper mei mei bunhai khawmin vuongna an vu-



ong ding a nih" tiin Regional Connectivity Scheme thiltum a hril a. Twitter ah, "UDAN hin mi chi tinreng-hai ta dinga vuongna chuongna remchâng a siempok a, India ram airport hrân hrânhai a tung zawm bawk a nih" tiin a tweeted.
Hi baka hin PM chun hmun hnufool bik methai tungzawmna ding scheme tho, UDAN hnuoia, Regional Connectivity Scheme (RCS) chu video conference hmanng a hawng bawk a. Hi scheme hnuoia tuta tungzawm khawpuihai chu Kadda-Hyderabad le Nanded-

Hyderabad hai an nih. PM chun, "Hi zova tung zawm ding chu Mumbai-Nanded ning a tih" tiin a hril.
Hi scheme UDAN tia inbuk tho hnuoia hin India sawrkâr chun ram hnufool le hmun hnufool biknahai, abikin vuongna tha tung phâk nâwna (unserved) le air transport tlawmna (under-served) hai vuongna chuongman tlâwmte tea vuongna theina ding a ni a. Mi pakhatat annawleh dardar khatah Rs.2, 500 pei chauva vuongna chuongna theina/inzin theina a nih.
Vuongna le Helicop-

ter khawm nisien mel 500 chen chu Rs.2, 500/- bak a ni naw ding tina a nih. Sawrkâr thungpui chun hi scheme hlennding hin thla liemta khan airline operator hai hnina (bidding) a ko a. Vuongna chalaite airlines panga hai kuomah lampui (ruote) 128 fe (operate) theina ding pek an nih.
A scheme UDAN dungzui chun, operator hai hi Viability Gap Funding (VGF) pek ning an ta, sawrkârin chuongman a fix baka vuongna chuongman a chuong po/a bak po chu sawrkâr in a tum pek ding

tina a nih. Hi taka ding hin sawrkâr thungpui chun kum tinin Rs. 205 crore, first round-a airline operator thlanghai ta dingin a sêng ding a nih.
Vuongna chuongman chu a ni dan ang taka private airline han an hmu theina ding a nih. Sawrkâr rate-in ticket zawr an ta, chu rate nêka an sang lemna po chu sawrkârin (passenger hai) a tum pek ding tina a nih.
Hi scheme dungzui hin sawrkâr thungpui bâkah hi scheme hlennding state sawrkâr pein airlines hai ta ding Viability Gap Funding (VGF) ah hin share chite thaw ve pei an tih. A scheme hlennding hin state 19 le Union Territory pathum-in Memorandum of Understanding an ziek ve a nih.
Aviation secretary Mr RN Choudhury project head chun, "Air India-in route 15, Spice Jet-in 11, Turbo-in 18, Air Deccan-in 34 IB Air Odisha in 50 an chang (operate) ding a nih" tiin a hril. Hi project hnuoia hin airport 53 an thang ding a nih.

Route thenkhat tu tuma thang hai chu Bhatinda-Delhi, Gwalior-Indore, Gwalior-Lucknow, Pathankot-Delhi, Agra-Jaipur, Durgam-Chennai, Jamnagar-Ahmedabad, Kanpur-Varanasi, Pondicherry-Chennai and Bilaspur-Raipur hai an nih.
UDAN scheme hin India ram kilkhawr tak chenhai khawm khawpui-pawimawhai le thlungzawm vawng a tum a ni a. Fe le hung, inzin sum-dawng a hrât nâwk zuola India ram hmasawna an khuongnuol deu theina dinga rural-urban connectivity sukhratna pakhat a nih a. Prime Minister vision 2020 le inzul pei a nih.
Prime Minister vision 2020 chun, India ram pumpui chu inbiokpawng le infepawna thakung tung seng ta ding, India ram chu "ram hnufool" (under-developed) a inthawka "rambung inthang mek" (developing country) tak taka siema "rambung changkang" (developed country) ti thei dinga siem ding ti hi a nih.

Legal Awareness Program



CCPUR: Churachandpur United Clubs Organisation (CUCO) huoihawtnain zani 10:30AM Khan Bethany Multipurpose Hall-ah One Day Legal Awareness Programme hmanng a nih. Hi huna khuolieng dinga ti M. Biteshwor@John Singh, Headmaster chu a thang theinaw a, SK. Mangang, President, CUCO chu functional president in a thang.
S.K. Mangang in hi huna thu a hrilnaah, khaw-sak harsa hai ta dingin Right to Education fethlengin sawrkâr-a inthawng thanguina hung hmanng lekha inchuk thei a ni thu hrilin, khawtlang thata le hmasawna dingin education a pawimaw a, qual-

ity education a pawimaw bawk. District pakhat sunga cheng hai chu khawtlang hmasawna dinga thanguol thiem a pawimaw thu, education siemthat le dawmsang a pawimaw thu hai a hril.
Technical Session huna chun W. Lata Devi, Advocate chun Crime Against Women chungthu a hril a, M. Urmila Devi, Advocate in National Food Security Act (NFSA) chungthu a hril.
Legal Awareness Program hi State Legal Service Authority, Manipur Sponsored-na a District Legal Service Authority, Churachandpur le CUCO han thanguola an huoihawng a nih.

High Power Committee indin dingin

IMPHAL: Mapithel Dam leia harsatna tuorhai chungchang le inza-wmin zanikhan IFCD Minister Letpao Haokip inawinain Secretariat Conference Hall, Imphal-ah meeting nei a nih. Hi meeting a hin Mapithel Dam in a taww buoi khuo hrân hrân 17 vela Chief/Headman, Phungyar A/C MLA Leishiyoi Keishing, Gopen Meitei, Secretary, IFCD, Ksh. Pritam Singh, Chief engineer, IFCD le IFCD officials danghai an thang. Hi meeting chun hi



Dam leia harsatna tuorhai harsatna, nuorna le thil ngen hai rel feltu dingin High Power Committee indin dingin a rel. Hi Committee a hin PHED,

CAF & PD, Works le Agriculture Minister-hai le Dam in a suk harsa khuo haia inthawng palai 3 thang raw hai seh tiin an rel sa bawk.

NH-a motor eksiden thuah Director (Transport) in report a peklut

IMPHAL: Thla hmasa laia National Highways (NH) 2 le 37 haia eksiden thung leia mi 28 zetin thina an tuokna le inzawm khan Director (Transport) Smt. H. Roshita chun zanikhan inquiry report a pek.
H. Roshita in report a pek dungzui chun, Driver pahni Ranjit kumar (37),

s/o Badhu Ram le Deepak Rasaily (29), s/o (L) Khadka Bahadur Rasaily hai Driving Licence chu a lem a ni bakah vehicle permit validity zieklang a ninaw thu a zieklang. Hi thua hin Chief Minister N. Biren Singh chun Director General of Police (DGP) Manipur chu Investigation

chieng lema thawtu dingin Committee indin a, detailed report ni 15 sunga pelut dingin an hrietitir.
Permit, licence le registration thawna kawng a indiko taka thil thawtu hai chu committee in report an pek zo hunga an chungang action lak a ni ding thu CM N. Biren Singh chun a hril bawk.

NEC Secretary Ukhrul-ah an zin

IMPHAL: Ram Muivah, IAS, Secretary North Eastern Council (NEC) chu Manipur-ah a hunc inzin a, zanikhan Ukhrul a va sir. Ukhrul hmuna hin NEC Fund hnuoia bawng ding Khashimla Woman Market le Bamboo and Cane Training Centre bawlna ding Lungphumhai a phum.

Supreme Court in a hnawl

IMPHAL: July, 2016 a Supreme Court in Manipur a fake encounter chungchanga ro a rel dan hlip dinga sawrkâr thungpuiin Supreme Court a April 12, 2017 a curative petition a peklut chu zanikhan Supreme Court in a ngaituo a,

Suopreme Court chun curative petition hi a hnawl. Supreme Court chun Manipur-ah Indian Army le Central Paramilitary Forces han a taluoin force hmanng thei naw nihai tiin a rel bakah hi thu hi suizui vawng ning a tih tiin a lo rel a nih.

AE le SO suspended an nih

IMPHAL: Mr N. Biren Singh CM nina hnuoia Manipur sawrkâr chun zanikhan PHE hnuoia Assistant Engineer Laishram Irish Singh le Section Officer Keisham Patel Singh hai chu mani sin le mawphurna zo lo le thaw tha loa intumna lein zanikhan an sin haia inthawng a suspended.

Hi le inzawma suspended Order chu zanikhan Addl. Chief Secretary (PHE) Shambu Singh in an suo a nih.
Yaikul Chingakhom Leirak -a Drainage and Sewerage thawna hmuna zani hmasa eksiden thung le inzawma mi pakhatin hliemna a tuok le inzawma suspended an nih.

Bru helpawl pahni an inpe

AIZAWL: Bru Democratic Front Of Mizoram (BDFM) helpawl pahni hai chu zanikhan Lawngtlai District-a Vaseikai Police Station-ah an inpe. BDFM helpawl inpehai chu Phedela le Phulorai Nghalim-lui mi an nih tiin a hril a, ralthuom inpeklutpui an nei

nawh.
April 19, 2017 khan Vaseikai a hin BDFM helpawl pahni- Vanlalawma (19) le Joyhamrai (32) le kum 16 mi pakhat man an lo ni ta bakah hi hma hin Saizaw East hmuna Laomjoij (20) le Darnamtlang -ah 1 an lo man ta bawk.

CHANCHIN LAKTAWI

DC inhmupui thei hun ding

CCPUR: DC, Churachandpur chun ama inhmupui nuombai inhmupui thei hun thar dingin Thawt anni, Thawleni, Ningani le Zirtawpni 11AM-1PM inkar ning a ta, Nilaini le Inrinni hai chu Non-visiting Day ning a tih tiin inhrrietima a siem.

Seminar

CCPUR: EBC, Lamka North Division-a Baptist Dorcas Fellowship (BDF) chun May 19, 2017 khin EBCC Central Lamka-ah "Na Omdan Uh Khrist Tanchinohih toh Kituaksak Photphot Un" ti thupui hmanng seminar nei an tih.

Office renovation thaw mek



CCPUR: Mr Khaipao Haokip in Autonomous District Council (ADC), CCPur Chairman nina le V. Khaikhannung in Vice Chairman an chel hnungin tulai hn an office siemt hatna (renovation) sin an thaw mek.
Office lambula Visitor waiting Hall bang hai khawm rawng nal thar ni bakah tulai hin Office room

sung hai rawng nal thar mek a nih. Rawng nalzo a ni huna hma hmanng Green Carpet chu Red carpet a thlakthlang tum a ni a, hi le inzawm hin carpet khawm inchawksa sie a nitah.
Chairman le Vice Chairman hai hin an room an la hlou naw a, siemt hatna sin zo a nip ha an hlou chauo ding niin ei thu dawngna chun a hril.

ADC hnuoia teacher han aia mi tir hai chungang action

CCPUR: Manipur-a Autonomous District Council (ADC) hnuoia Schools hai a ni ding ang tak le tha taka a function theina dinga Dept. of Tribal Affairs & Hills, Govt. of Manipur in April 20, 2017 nia Office memorandum an suo dungzuiin Mr Soiminlen Lenggen, CEO, ADCC chun zanikhan inhrrietima an suo.

Chu taka chun ADC hnuoia Schools haia thawktu han mani aia midang sin inthawtir phal a nitanaw a, hiangang thaw mansuok an ni chun disciplinary action lak ding; teaching le non-teaching staff hai mani thawkna hmun senga um ding; Chief/Chairman, VA le concerned Deputy/Asst. Inspector of Schools han

countersigned an thawna Headmaster/Headmistress han Monthly Attendance report certification an peklut dungzui hlaw sem ding; Headmaster/Headmistress han an hnuoia thawktu hai hming, thlakal, nina, home address le phone number hai School office-ah an tardawng; Teacher hai teaching ti lo sin dang inthawtir phal

a ninaw a, hmanng ding an lo ni khawmin sawrkâr-ah phalna lak hmasak ding ti an ziek.
Hieng guidelines indik taka zui a ni le ninaw en-felna chu DC/Ex-Officio Chairman, District Board of Education le CEO, ADC hai chu mawphurna pek an nih tiin CEO in zanita Notification an sua chun an ziek.

Nuhmei suollui dodalnain lampui an hraw



IMPHAL: Core Committee against Pheknung Gang Rape of Two Minor Girls huoihawtnain

zanikhan civil society organisations hrân hrana members 1000 chuong han Imphal khawpuihai

lampui an hraw. Lampui hrawna a hi Manipur a cheng hnam tum hai an thang tawl. Nuhmei tleirawl pahnihai hi April 14, 2017 a kha pasal 7 han an suollhrawn a nih. Nuhmei suollhrawnthuhai na hraa keng dinga ngenaa mipui hin lampui an hraw a nih. Lampui hrawna hin Rose Mangshi Haokip, Advisor Kuki Women Union, Manipur khawm a thang.

Helpawl 2 ralthuom tam tak le man

IMPHAL: Zani zingkar dar 2:30 vel khan Imphal East District Police Commando le 6 Assam Rifles thanguol han Andro Heirokland/ Kamu Tamnong village ah helpawl pahni, Thoilen Vaiphei(32) le Lelen Vaiphei(30) hai chu AK-47 Rifles 2, M3 Rifles 1, Pistol 1, Magazines 7, le silaima 215 leh an man a, Andro Police Station-ah an peklut niin Herojit Singh, SP, Imphal East District chun a hril. Silai le a muhai



hi Lamthenlal Vaiphei bu-panga an thup, silai le a mu

hai hi USRA ta niin Herojit chun a hril.

Jiribam MLA an inhmupui



JIRIBAM: April 27, 2017 khan Pu L. Enga, HI Executive member GHQ, V. Lalbel, Presi-

HSA Jiri-Vangai JHQ han Jiribam A/C MLA PU Ashabuddin an inhmupui a. Jiribam-Khawzawl (Choudhruirikkhal) chen lampui siemthat (repair) dinga um mek le inzawmin Khangbor chen huomsa sien an nuom thu an int-lun. Pu Ashabuddin chun an thil ngen chu ngaisa-kin, an dit anga thaw pek dingin thu a lo tiem niin ei thu dawngna chun a hril a. Hi le inzawm hin Pu Ashabuddin chungang lawmthu an hril ngal bawk. (Lalmunthang Songate)

GAS NEWS

Agency : KIM JOE
Booking : 23rd. Jan., 2017 to 23rd. FEB., 2017
Delivery:28-04-2017 (FRI)
Time :9AM-till stock
STOCK: 288

GAS NEWS

Agency : SAS
Booking : 23rd. JAN., 2017 to 23rd. FEB., 2017
Delivery:28-04-2017 (FRI)
Time :9AM-2PM
STOCK : 306
Rate: Rs. 884

VAWISUN THUPUI

A ko san cheu beiseina hmunkhata ko in ni ang bawk khan, taksa pakhat le Thlarau pahat chau a um a, lalpa pakhat, ringna hmunkhat, Baptisma hmunkhat, iengkim Pathien le Pa pakhat chau a um a, Ama chu iengkim chungah a um a, iengkim fangsuokin a um a, iengkim sungah a um bawk a nih. - Efesi 4:4-6

**Editorial
Inthlakthlengna**

Democracy ram ei ni a, mipui han ei aiawtu ding ei thlang a, chuon mihai chun mipui aiawin ro an rel a, chu chu mipui sawrkar ti a nih. Manipur mipuihai khawmin March 4 le 8, 2017 hai khan Assembly Seats 60 um a member dinghai thlangna ei nei a. Inthlangna neizoin ei state-ah sawrkar thar a hung um ta a. Manipur mipuihai chun sawrkar thara hin beiseina thar ei nei a. Ei beiseina thar chu ni danga la um ngailo, thil thar le inthlakthlengna (change) a hung um hi a nih. Inthlakthlengna a hung um theina ding chun sawrkar thar chela ro hung reltu han sawrkar fe dan, thil thaw dan, sawrkar programme le policy hai a hung sukdanglam a tul hlak. Hiengang bawk hin a ram mipui hai khawma ei ngaidan, ei thil thaw nuom dan le ei lungril ngaituona hai ei sukdanglam ve a tul bawk. Chuong a ninaw chun inthlakthlengna hung um thei tak tak ngainaw nih.

March 15, 2017 a inthawk khan N. Biren Singh Chief Minister nina le BJP thuoinain Manipur-ah Coalition Government a hung um tan a. CM N. Biren Singh chun sawrkar hmasa han an la thaw ngai der lo thil thar tam takel an sawrkarin a thaw ding hai a puonglang ta a nih. Thil thar thaw ding a puonglang tahai lai sawrkar tha siem, inlangtlang sawrkar siem, corruption umlo Manipur siem, Manipur bandh le economic blockade um loa siem, Cancer Hospital indin ding, Manipur tlangram le phairam biel hai thir hran lova hmasawna sin inruolkhai taka thaw ding ti le Manipur phairam le tlangmihai inkara inringzonawna le kar awl um siem that nawk ding tihai a thangsa.

Chun, N. Biren Singh CM nina le BJP thuoina hnuoia sawrkar thar chun Congress party sawrkar huna an thaw ngailo, thla tin tarik 15 chu People's Day or Meeyambi Numit le thla tin tarik 10 chu Hills Day in a puonglang bakah tuta inthawk hun sawtnawte hnungah sawrkar tharin a sawrka inthawka Ni 100 sunga a thil thaw dinghai puonglang a tum. Hi chau hi a la ninaw a, sawrkar hmasa han an la thaw ngailo ang takin Ukhrul District le Kangpokpi District hai ta dingin Economic or Financial package a puong ta a, District dang dang hai ta ding khawmin financial or economic package hi a la hung puong pei ring a um. Tlangram biel la ngaisak le ngaipawmawna thu a hril khawm hin lawm a hlaw hle. Hi thil hin Manipur tlangram le phairam mihai inlaichinna a hung siem tha pha beisei a um.

April 19, 2017 a Union Cabinet in VIP culture sukbona dinga May 1, 2017 a inthawka Beacon light hmang ta lo ding thutlukna a siem chu CM N. Biren Singh chun May 1, 2017 kher ngah lova a motor-a Beacon thar ngaisang a lum nuom elna khawm hin CM thar ngaisang a umna a nih. Lukhaitu takin hi thil hi a taka a hang thaw ngah lei hin a hnuoia Ministers, Parliamentary Secretaries, MLAs le sawrkar Officer lienhai khawma lo thei lova an hung zui ve ngah a tul pha a. Thuoitu tha a nina hi takah hin a hung inlang a nih. Thaw ro ti neka ama ngeiin hma a hang thuoi ngam el hi a ropui a, entawntlak a nina a ni bawk. Thil dang dang haia khawm hma thuoitu a hung ni ngam pei ring a um. Manipur CM lo nita hlak hai nek chun tuta ei CM hin chu danglamna a nei a nih. Hi lei hin a chungah hin mipuiin beiseina an nei insang hle a nih.

Manipur CM danghai ang a ninawna pakhat chu, Old Secretariat Conference Hall-a April 21, 2017 a Civil Service Day hmangnaa a thuhirila khan an lang chieng hle "Yes sir, Yes sir" ti ringawt chu a lawmzawng a ninaw thu a hril. Yes sir, Yes sir ti ringawt nekin sawrkar thil thawna le hmalakna haiah ngaidan tha le thunrawn tha an neihai chu hril ngam dingin a ngen tawl a nih. Chun, sawrkar hmalak dan a lo indiknaw deu le a thanaw a lo um khawma a hmabulah hirillang ngam dingin sawrkar thawktuhai an fui a nih. Hi thil hi ei ram ta ding le mipuihai thatna ding, hmasawn lemna ding a nih tiin N. Biren Singh chun a hril a nih.

Corruption do le sukbona dingin ama office hmuna ngei Anti-Corruption Cell an din a. Tuhin Impthal khawpuia CCTV Cameras le Traffic Lights inbukna kawnga sum hmang indiknawna thu suizui mek a ni bakah Health Department-ah sum hmang indiknawna um thuah Health Director chu a sina inthawk suspended a ni a. Hieng hi a ni lei in thaw ding a hril hai hi a bawzui pei ding niin an lang. Sawrkar thar fe dan le thil thaw dan ei hang en a, Manipur-ah inthlakthlengna chu a hung um ding niin an lang. Inthlakthlengna um hi ei dit seng a, inthlakthlengna hi ei state Manipur-a hin hung um mawl rawt seh. Inthlakthlengna a um chun ei ram hmelpet dan a hung danglam ding a nih.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ralsaditum @ Rama Ralsun: Asst. Editor
Lamsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

VANGAI ELECTRIC

By: Lahnunthang Songate

Ram hmasawmna ding hril ni khuo a thei nghil thei lo leh sam hmasa ngei ngei hlak Khawlphepha (Electric Current) mi tin dit le mamaw, thenum State Mizoram lem chun" khuo in sawmthum a ni chun electric suk tlung vawng ding" a ti angin, a tlung vawng ta ni a hril hi a lo in dik a ni chun, ei umna State le chu ei van tlaw awm de aw ti hi ngaituo tham a nih angin Vangai Tlangdung electric chong chang ka hmu dan hang thairang ve met nuomna ka nei leiin, thu ziek thiem ni awm takin ka hung inchu ve tawp a nih.

Vangai biel tieng hi Hmarbiel nekin ring naw takin electric lut hmasa lo ding a mipui in ei thlir thup laiin vangnei tlak takin ei Sawrkar chun Sipapurikhal (Ankhasuo) ah Power Sub-Station 33/11KV siem zoin tarik 16th December, 2015 khan CM hlui Pu lbobi Singh in hawngna a hung nei khan Hmar mipui lawm tham a tling hle in inthimma anthawk zalenna hmu ang deuin ngai a lo nih. Amiruokchu ti hi ei t awng a dingin dit um naw hle sienkhawm hmang t ulna hun a hung um hlak a. Ei dit thu ni lovin a tulna lei a hmang a hung ni nawk hlak angin, Vangai biel a electric siem peka ei um a khawm hin, pawti tak pumin hmang a hung tul hlak. Electric hrui khat chau sawr thei an naw leiin, a ban, a hrui, le a tul dang dang lo um ta vawng sienkhawm sawtnawte hnungah, Amiruokchu sit var theiin a hung um ta nawh, ti a hung ni nawk.

Manipur Assembly 11th election tawm khan lawmum takin mang ang elin sit var hmi ni a, election zo char in Power Sub-Station inthudna hmum a hmang a ram nei tuhai le Sawrkar in dawf fuk naw lei a hung inthim nawk el hi beidawng um tak thil anih. Hmu dan le hriet danin sawrkarin a ram neituhai kuomah ram hmang man pek/siem pek /Chawkidar sin pek an naw leia var zawm thei ta loa um nia hril hi thil pawti tak chu a tling a nih. Ram nei tuhai nuorna hi Sawrkar pa'n hang suk fel sien chu a thlep nawk tuor nthal ding chuh chieng taka hmu le hriet a nih. Mi pakhat, Sawrkarpa le an indawrna fuk lo lei a, Vangai mipui po po in electric var chung thu a harsatna an

tuok el hi chu thil pawti tak a ni zing lai thil awlsam tak khawm a ni bawk. Thuneitu insang lem annawleh a Dept. hai chun mipui harsatna hrie peka thaw ding a lo ti chu hang thaw pek el chu thil awm hlie hlie niin an lang.

Tuta Vangai electric ngir hmum tak chu pakhat lungawi, mipui lungawi le ram siem changkang a nih. Thuoitu ta ding chun mipui suk hmasawn le suk lungawi chu antak naw hle ni in an lang. Asan chu, mi pakhat lungawiin mipui lawm tham a tling thlat leiin buopui chak um na rieu khawm umin an lang. Hieng a fe pei chun electric hruihai hi lo in hmang pal thei ani leiin kut rawl vat hi misuol le mi-duk-daklo hlawn a ding laka himna ding chu a nih. Electric hring zing lai electric hrui inruk/lak hmang/sukchawai ei hriet ngai nawh. Tu taka, Vangai ngirhmum mipui harsatna sawmdawlina ding thil tam hle sienkhawm lampui le meivar tiengpangah kut hang rawl met/vat chi chu a va hang ni de aw! ti chu mitin hriet le hmu thei a nih.

Tlangdung lampui hlak hi motor infepaw zing theina ding chun an khattaw k JCB tir chauh a hung nih. Lampui a thanaw hlak chun khawrsaw lusip a phur kaina hin fak fawm zawng hai ta ding chun harsatna le tlaksietna bulpui a ni bawk. Chutieng chu ei hril tum tak an naw leiin Khawnvartui/Mambati/battery hai a sum sengna hi awlsam taka sukbo thei hi thuneitu insang lem hai kuta inngah a ni a, chingfel vat nisien economic chu chikhatin a suk hmasawn le suk changkang ngahal thei a nih ti hi hrie mawl inla nuom a um hle.

Thuneitu insang lem haiin ngaituo ding tam tak nei zing hai sienkhawm antak taka inthawk tan nekin a awlsawm le umzing zuk siem that vat chu thil awlsam nawk zuol a tling hle. Chu ding chun ei chungah thuneitu le ram hmangaituhan chet hun hriae, an an ngaiven vat nuom a um hle. Pakhat lungawi mipui lungawi, pakhat lungsen mipui lungsen chuh Vangai electric chungchang hi a van i chieng de aw. Chu thil awlsam tak thawtu ding chu ei um hlawl naw ni ???

A naunu suollui tumtu man

TURA: Meghalaya-a West Garo Hills a chun zani hmasa khan pasal kum 36 mi Vincent S. Sangma alias Bension chu a naunu kum 14 mi suollui tuma intumna leiin Police han an man. Mr Benson

Bihar in DA 4% in a sukpong

PATNA: Bihar Cabinet meeting chun a state sunga thawktu, pensioners le family pensioners hai Dearness Allowance (DA) 4 percent-a sukpong dingin thutlukna a siem. Hi dungzui in Bihar state sunga thawktu, pensioners le family pensioners hai DA chu 136 percent a hung ni ta ding a nih tiin Cabinet secretariat, Department Principal Secretary Brajesh Mehrotra chun a hril. A hma chun DA hi 132% pek an nih. DA sukponga umna hi January 1, 2017 a inthawk hmang tan ni dingin Mehrotra chun

hin Dobasipara Songgital hmuna an chengna inah a zurui-a a naunu hi suollui a tum nia hril a nih. Amiruokchu, a naunu hin beiletin room-ah a kal khum leiin a suollui thei tanaw nia hril a nih.

reporters hai kuoma a hril. DA sukpongna hi Sixth Pay Commission recommendations dungzuia revised pay scale hnuoia thawktu le pensioners han an dang thei ding a nih.

DA sukpong lei hin state sawrkar chun kum khatah Rs. 561.30 crore a seng belse ding a nih tiin Mehrotra chun a hril. Cabinet chun Fifth Pay Commission recommendation hnuoia pensioner hai DA 11% in a sukpong bakah Bihar Constituency Fund khawm Rs. 350 crore a inthawk Rs. 6403.42 crore in a sukpong bawk. (PTI)

AAP Punjab in-charge an ban

NEW DELHI: Senior AAP leader Sanjay Singh chu February thlaa Punjab Assembly Election huna AAP thawsiet leiin AAP Punjab in-charge a ninaw inthawk an ban. An banna hi AAP National Convenor Arvind Kejriwal kuta a pek niin Sanjay Singh chun a hril. Ama baka hin co-incharge Durgesh (Pathak) khawmin inbanna a pek. Delhi Municipal Corporation election-a AAP chet siet leiin zani hmasa khan AAP Delhi Unit Convenor Dilip Pandey khawmin inbanna a lo pek ta bawk a nih. Singh le Pathak hai inbanna hi pawm pek a ni le ninaw hriet a la ni nawh. Delhi Municipal wards 272 haia Election a khan AAP chun seats 48 chau an lak a nih. (PTI)

Helpawl han Kupwara Army camp an bei; Army 3 an thi

SRINAGAR: Zanikhan North Kashmir-a Kupwara district-a Panzgam hmuna Army camp chu helpawl han an va kap a, Army 3 in thina an tuok bakah Army hai khawma an kaplet ve leiin inkaptuonaa hin Jaish-e-Mohammed helpawl ni dinga ring 2 an kaphlum. Army camp an va bei hun hi zani zingkar 4AM vel kha nia hril a nih. Army thi hai lai hin officer pakhat Capt. Ayush a thangsa. Hi thil tlunga hin army personnel 5 dang in hliemna an tuok a, hliem hai hi hospital panpui an nih.

Pakistan in India Ngaman-tu 23 a hrentang

AHMEDABAD: Pakistan Maritime Security Agency (PMSA) chun zanikhan Gujarat Coast-ah India Ngamantu 23 hai chu Pakistan ramsung tuipua Nga an man tia intumin an Ngamanta lawng 4 hai leh manin a hrentang niin National Fishworkers' Forum official thusuok chun a hril. April 9, 2017 khan

International Maritime Border Line (IMBL) bul lai India ram sunga India Ngamantu 40 le an lawng 7 hai man an tumnaah changsuoin an Lawng a pil leiin PMSA commandos 4 tuiah an tla hlum a, midang 2 hai chu India Ngamantu han damin an sansuok a, a hnungin PMSA chun Ngamantu an man hai an inthlasuok nawk a nih. (PTI)

DRI in rangkachak kg. 30 leh mi 5 an man



KOLKATA: Directorate of Revenue Intelligence (DRI), Kolkata chun zani hmasa khan mi 5 hai chu rangkachak kg. 30, Rs. 8.79 crore manhu ding leh an man niin zanita DRI official thusuok chun a hril.

DRI thusuok in a hril danin zani hmasa khan Karunamoyee bus stand, Salt Lake hmuna foreign pawisa thlengna counter neitu pasal pakhat an man a, ama kuta inthawk rangkachak (gold biscuits) pieces 166, le rangkachak incheina 1031.69 grams an man a, a kuta inthawka rangkachak an man po hi kg. 21.79 le Rs. 6.25 crore manhu a ni a. Thu indawna nei a ni hunah petrapole ramri fethlengin Dhaka-a inthawka hung phur Rangkachak iemanizat Bus-a

hung phur mek a ni thu mana um pa hi an puong a. Chu le inawma DRI officers han Kolkata pan Buses pahni haia drivers le supervisors hai thu an indawn hunah rangkachak fun 3 an phur ngei thu an hril a, chu taka inthawk rangkachak tlang 74, kg. 8.62 a rik le Rs. 2.53 a rik ding Bus sunga inthawk an dapdaw nawk leiin rangkachak tlang an dapdaw le man po hi a rengin tlang 240 a hung tling phak a nih. Hieng rangkachak hai le mi an man chu an rengin 5 an nih.

DRI hin tuta thla bul khawm khan Bangladesh le Myanmar haia inthawk India rama hung phurhut rangkachak kg. 105 zet dapdawkin an lo man ta a nih. (PTI)

Zuruiin a naupa a that

DHUBRI: Zan hmasa khan Bilasipara Ward No. 1 a cheng Mazibur Rahman chun a zuruiin a naupa a that.

Ei thu dawngnain a hril danin Nazim hi a zuruiin a nuhmei leh an inselbuoi a, chu huna an dressing table a namthluk a, dressing table tu chun a naupa kum 4 mi Nazim Rahman chu a

del hlum niin a hril. Nazim Rahman hi Bilasipara Civil Hospital panpui a ni a, sienkhawm doctor han an san thei ta chuong naw a nih.

Hi thil tlung le inawm hin Police chun Mazibur Rahman hi an man a, Section 304 hnuoia case an siem khum.

PA Sangma statue in thut dingin an ngen

SHILLONG: National Peoples' Party (NPP) chun Shillong le Tura hmunah Lok Sabha Speaker hlui (L) P.A. Sangma lim (statue) in thut ding le lampui pahni hai PA Sangma hmang

chawia inbuk/ko dingin zani hmasa khan ngenna an siem. Ngenna hi PA Sangma naupa le NPP President Konrad K. Sangma in Meghalay CM Mukul Sangma kuoma zieka a peklut a nih.

Naute pienghlim Autorickshaw sunga hmu

AGARTALA: Tripura-a Agartala Govt. Medical College (AGMC) bulah zani hmasa khan Auto Rickshaw sunga passenger in thungna (seat) chungah naute pieng hlim puona intuum hmu a nih. Lama fe mi thenkhatin Driver um lo Auto sunga naute hi an hmu a, Police an inhriet-

tir hnungin naute hi Police han lain Hospital an panpui. A enkawltu doctor hai chun naute hi a hriseina a tha tiin an hril a, a pieng zo hlima naute hi maksan ni dinga an ring thu doctor hai chun an hri. Police chun hienganga mani nau maksan tu hi an zawng mek.

Central Paramilitary forces ah sum indainawna a um nawh

NEW DELHI: Union Home Ministry chun central Paramilitary forces ah sum thu indainawna a um nawh tiin zanikhan a hril. Zani hmasaa Maoist han, CRPF hai an lambun huna sipai thi an tam nasan financial resources tiengpang indainaw lei nia report um chungthua hi thu hi Home Ministry in a hril a nih.

Security related Expenditure Scheme chu kum 2011-12 a Rs. 575 crores chu 2016-17 in Rs. 675 crore a sukpong a nih tiin Ministry chun a hril a, Baster region-ah Central Forces 45,000 hai bakah State police forces 20,000 chung sielut an ni a, recruitment thaw zing a ni bawk.

LoC hung kan tum helpawl 150

BARAMULLA: India le Pakistan ramri-a Pakistan-occupied Kashmir (PoK) a Line of Control (LoC) bul lai helpawl mi 150 ruol chu India ram hung lurtuk tumin hun remchang nghakin an um mek niin Kashmir valley a security ngrhmun enkawlina kawnga mawphurtu Srinagar thngasana um 15 Corps a Commander Lt. Gen. J.S.

Sandhu chun a hril a. Hi neka tamlem khawm hi an ni el thei tiin army huoi-hawtna hnuoia ni 2 sung aw youth festival 'Jashne-Baramulla' programme hmang huna Lt. Gen. JS Sandhu chun reporter hai kuoma a hril. Kum dang nekin tukum hin PoK a inthawk LoC kana a rala helpawl hung lut an la tlawm lem tiin a hril bawk.

India in Agni-III missile hlawtling takin a ensin



NEW DELHI: India chun zanikhan Odisha coast-a Abdul Kalam Island-a Integrated Test Range launch pad No. 4 a inthawk Defence Research Development Organisation (DRDO) Agni-III ballistic missile hlawtling takin a kapsuok.

Agni-III missile hi km. 3,000 a hla kap phak thei ding niin nuclear warheads 1.5 tonnes chun phur thei, metres 17 a sei, diameter 2 a lien le tonnes 48 a rik a nih. Agni-III hi rail mobile system missile niin khawla hi hmuna inthawk khawpa kapsuok thei a nih.

Railways privatise thaw tum a ni nawh: Suresh Prabhu

NEW DELHI: Railway Minister Suresh Prabhu chun, Railways privatise thaw tum a ni nawh tiin zanikhan a hril a, Railways in harsatna a nei hai chu sawrkarin mawphurna lain phuhruk a tih tiin a

hril. Rambung tum tum han public service kawnga system hran hran an nei a, sawrkar chun mipui le mi naran hai interest a hnawl thei nawh tia hrlin NITI Aayog chu public service obligation en dingin a hril.

Sawrkarin J&K-ah Women police battalion

NEW DELHI: Sawrkar chun Jammu and Kashmir phairuoma lunga indengna tlung vet hlak le control-nawngin Women Police battalion a dingin nuhmei 1,000 vel ruoi a tum niin Home Ministry thusuok chun a hril. Hieng women Police battalion hai hi sawrkar thlungpuiin 5 India Reserved Bat-

talions (IRBs) lak dinga a sanction-a thangsa ve dinga ti a nih. Jammu and Kashmir-a 5 IRBs post 5,000 lakna dingah thalai 1,40,000 velin hnina an pek a, tuhin recruitment process a fe mek. Application lut hai laia 40 percent hai chu Kashmir phairuoma inthawk a nih.

LAKTAWI

Dhinakaran ni 5 sung PS Custody-ah

NEW DELHI: AIADMK faction panni han a ziding lema inhrila party symbol in-chunaa Election Commission official tham tumna le in-zawma man TTV Dhinakaran chu zani hmasa zantieng kham Court hmaah inlangtir a ni a, Court chun Police Custody-a ni 5 sung la um phawt dingin a rel. (ENS)

TN CM in Salem Steel plant private remti lo

CHENNAI: Tamil Nadu sawrkar chun Salem Steel Plant private thaw dinga rawna um chu a remtinaw thu Prime Minister Narendra Modi kuomah lekha thawnin an tlun. Hi steel plant private thaw a ni chun mipui han dodalna nasa tak neini buoina lientak a suksuok pha ding a nih tiin Tamil Nadu CM K. Palaniswami chun a hril. (PTI)

Thiempu thattu dam-sung lungin intang ding

MANDI: May 8, 2015-a Mandi hmuna Hanuman temple-a thiempu Ram nath Tyagi Hreia chekhlumtu Knakhakru Ram chu zanikhan Additional Session Judge Krishan Kumar chun rimsi taka lungin intang ding le fine Rs. 10000/- chawi dingin a chungthu a rel. Fine hi a pek-naw chun an tang hun thla 6 a keisei ning a tih.

MLAs 2 kum-khat sung Assembly thang thei lo dingin

JAIPUR: Rajasthan Assembly a Opposition MLAs 14 hai chu Inpui sunga mawilo baksaka an chet leiin kum 1 sung Assembly inthunga thang theilo dingin zani hmasa kham suspended an ni a, sienkhawm Congress MLAs 12 hai chun ngaidam an inhi leiin nikhat sung Assembly inthunga thang thei lo dinga suktawi pek nawk an nih. MLA dang 2 hai khawm ngaidam an inhi chun a thara ngaituo la ni dingin ei thu dawngna chun a hril.

Keite in mi 3 a se hliem

BALRAMPUR: Zanikhan Bankatva forest range-a Binauni village a chun Keite pakhat a va lut a, Binauni village-a an in compound sunga in(sleep) naupang panni le nuhmei pakhat a se hliem. Thang-puitu ding koa an khek leiin Keite hi a zamhmag nawk leiin sehlum em chu a nei hman naw a nih. Keite in a se hliem hai chu Anita (5), Rajni (30) le Ranno Devi (10) hai an ni a, Anita hi a hliem inrik deu leiin hospital-a admit a nih. (PTI)

Arunachal-ah Congress Councillors 23 in BJP an zawm



ITANAGAR: Arunachal Pradesh-a Itanagar Municipal Council (IMC) -a Congress Councillors 25 um hai laia 23 hai chun zani hmasa zan kham Chief Minister Pema Khandu le BJP State President Tapir Gao hai hrietpuinain Bharatiya Janata Party (BJP) an zawm. Municipal a hin Councillors 30 an um a, hi laia 26 hai chu Congress an ni a, member pakhat party-a inthawk hnawtdawk a

ni hnungin Itanagar Municipal Council-a Congress Councilor umzat hi 25 in a hung tlahnuoi a nih. Councillors 20 hai chu Chief Councilor Kipa Kaku le Deputy Chief Councilor Tarh Nachung hai inrawinain joining ceremony-a hin an thang a, councillor dang pathum hai chu remchang nawna leiin an thang theinaw a, sienkhawm BJP an zawmna lekha an thawn.

Councillors hai hi state BJP president Tapir Gao chun lawm takin BJP sungkuoah a lo lawmlut a, BJP member an nita leiin Itanagar chau ni loa state pumpui hmasawna dinga team anga thawtlang dingin a fiel. Chief Minister Pema Khandu khawmin Councilors han BJP an hung zawmna tuah lawmthu a hril. Councilors han BJP an zawm le lawmlutna programme a hin Cabinet Minister WangkiLowang, local legislator Techikaso, BJP state Vice President KenyirRingu, BJP City President TarhSoping le BJP General Secretary (Org) Ramesh Kharaganchi hai khawm an thang. (ANI)

Ni 45 zet an hmang hnungin dama hmukir

KATHMANDU: Kum 21-a upa Taiwan tlangkai mi Liang Sheng Yueh chu sansuokna sin thawtu pawl han zani hmasa kham Nepal-a Dhading district-a Tipling village bul tlang metres 1,600 vela insangna hmuna hring le damin an hmusuok.



Liang Sheng Yueh hi a ngaizawngnu Liu Chen Chun (19) le an pahnia tlang an kainaa inhmang an ni a, Liu Chen Chun chu a bula hin zala hmu a nih. Ni 47 zet an inhmang hnunga dam le hringa hmua um a nih. Mr Liang hi Grandee International Hospital, Kathmandu hmuna enkawl mek a ni a, a ngirhmun a derthawng naw thu a enkawltu Dr Sanjaya Karki chun BBC a hril, thawng khawm a tawng thei ta thu a hril. A ngaizawngnu Liu Chen Chun chu ni 3 vel liemtae kha thi niin Mr Liang chun a hril. An hmang hnung hin a taksa rikna kg.

30 vel zet in tlahnuoi a, hmu a ni huna hin a sam le hmhai hai khawm vurin an kum vawng a nia hril a ni a, chi le tui chau ringa hieng chen chen dam lo la um ni dingin an lang tiin a enkawltu doctor chun a hril. Mr Liang le Ms Liu hai hi Taiwan-a National Dong Hwa University a first year inckuklai ve ve an ni a, tukum February thlaa kha India rama inthawk Nepal rama inzin an ni a, hmu an nina nuhnung tak chu March 9, 2017 kha a ni a, vur nasa taka a tlak zing

laia tlang kai an nih. Website Missingtrek.com chun Liang le Liu hai hin tlang an kai hmain an thumhnaw thenkhat an sukhmag bakah thil chitea teh inelbuoina an nei thu a zieklang. An sunghai chanchin inhrrietir dinga an ti ni March 10-a iengkhawm an hriet tanaw leiin an sunghai chu an bei a dawng leiin ni 5 hnungah official hai thanguina an hung ngen anga zawngna sin hi thaw a ni a. Hi thila ding hin Nepal Police chun guides 3 a ruoi bakah Helicopters a hnung a nih.

Website Missingtrek.com chun Liang le Liu hai hin tlang an kai hmain an thumhnaw thenkhat an sukhmag bakah thil chitea teh inelbuoina an nei thu a zieklang. An sunghai chanchin inhrrietir dinga an ti ni March 10-a iengkhawm an hriet tanaw leiin an sunghai chu an bei a dawng leiin ni 5 hnungah official hai thanguina an hung ngen anga zawngna sin hi thaw a ni a. Hi thila ding hin Nepal Police chun guides 3 a ruoi bakah Helicopters a hnung a nih.

Asiya Andrabi man

SRINAGAR: Jammu and Kashmir Police chun zani zingkar kham separatist leader Asiya Andrabi chu Public Safety Act hnuoiah an man. Ms Asiya Andrabi hi Kashmir phairuoma nuhmei hai infulpuwari le security forces hai lunga deng dinga thu petu nia intum a nih. (PTI)

Turkey President April 30 in a hung inzin ding

NEW DELHI: Turkish President Recep Tayyip Erdogan chu April 30, 2017 a inthawk khin India ramah hung inzin a ta, Terrorism dona tiengpang le insum-dawngtuona kawngna nasa

le hrat lema thaw dan ding chungthu India ram thuoitu hai leh an hriltlang ring a nih tin ei thu dawngna chun a hril. Turkish President hin May 1, 2017 khin PM inhmupui a tih.

Taiwan-in US Jet Fighter fF35 Inchawk A Tum

TAIPEI: Taiwan President Tsai Ing-wen chun, Taiwan-in mani invengna ding ralthuom tha tawk a mamaw ve leiin US siem F-35 jet fighter iemani zat inchawk a tul leiin US President Donald Trump chu telephone hmanga inbiekpu nawk a tul el thei, tiin China-in nasatata a khap laiin a hril. Reuters le interview-a chun, "Tuta hma nek in, US leh direct taka inbiekna ding hun tha kan nei a. President Trump direct taka biekhawm a tul el thei Amiruokchu, US sawrkar ngai pawimaw dan izir le a biel laia thil umdan izir ning a tih" tiin a hril.

boruok sosang peihai leiin Taiwan chun ralthuom tha a mamaw ve leiin, mani invengna dingin US siem indo vuongna F-35 hai inchawk an nuom thu a hril a nih. Hi le inruolin, China chu ram lientak le ropuitak a ni angin a mamawphurna hlen dingin a tih bawka. "China chun a maw-phurna a hriet a tul thau, President Xi Jinping khawm ram lientak chungaha hotu, thuoitu tha anga inhrue a nih chun, a mawphurna hlenin Taiwan le China inlaichinna khawm kawng danga a ena a hrietthiem a tul thau" tiin Taiwan chu mani ke ngir ve thei an tah leiin mamaw khawm a hau tah a nih ti hre sien a nuom thu indirec-in a hril a nih.



Taiwan hi China chun a ram anga a ngai a ni leiin midang le indawr a phal nawh a. Ramdang an inbiekpu khawm a remti bawk nawh a. President Trump a ting hlim kham Tsai leh an inbiek leiin a lungawinaw hle a. "One China" policy US le China kara lo um tah

NGAILAI BANG THEILO ZUOPA
HMANGTHANGHLEI (1929-2004)
Date 28-04-2017 vawisun I thi champha a hung tlung hin kumpui sul tam loin her liem ta sienkhawm lunglai rukah ihung thar nawk hlak. Nghilni I um thei nawh.
I hrai chawilai, - Rev. Hrangtinai le a sunghai Saikawt, Churachandpur

DISTRICT COUNCIL ADMINISTRATION
OFFICE OF THE CHIEF EXECUTIVE OFFICER
AUTONOMOUS DISTRICT COUNCIL, CHURACHANDPUR
NOTIFICATION
Churachandpur, the 25th April, 2017
No.3/92/ADCC/2017/80: In order to streamline and strengthen the education system for all schools under the Autonomous District Councils, Manipur and as per the provisions made under Section 24 of the Right of Children to Free and Compulsory Education (RTE) Act 2009, and in pursuance of the Office Memorandum No.2/150/2016-Hills, dated 20th April, 2017, issued by the Department of Tribal Affairs & Hills, Government of Manipur, the following guidelines are laid down for strict adherence by all concerned:

1. The Practice of engaging substitute/proxy teachers, if found, appropriate disciplinary action shall be taken up under relevant rules. All teaching and non-teaching staff or schools should be stationed at their respective place of posting without fail.
 2. Disbursement of salary of all staff shall be based on Monthly Attendance Report Certification to be submitted by the concerned Headmaster/Headmistress of the schools, countersigned by the concerned Chief/Chairman of Village Authority as also by the concerned Deputy/Asst. Inspector of Schools. The Headmasters/Headmistresses shall ensure that Name, Photograph, Designation, Home Address and Phone Number of the staff (Teaching and Non-Teaching) be prominently displayed in front of the school office.
 3. Utilisation of teachers in non teaching posts shall not be allowed, if so, prior approval of the Government has to be obtained.
 4. Further, all Deputy Commissioners (Ex-Officio Chairman of the District Board of Education) jointly with the concerned Chief Executive Officer, ADC, shall be authority to monitor that the above guidelines are strictly followed.
- Sd/- Seiminlian Lenggen
Chief Executive Officer
Autonomous District Council, Churachandpur.

THEIHSAKNA
Date 1st May, 2017 chiangin 9th General Assembly & Election C.M.O Conference Hall-ah nei a ki-sawm a, member teng tel dia theihsak ih. Huaini in fund pe nailo ten toi chiah ding.
Sd/- Mangchulun
Information Secretary
Medical Department
Grade IV Employee Assn.
Churachandpur.

Do you want to learn Photography?
Join us for 8 weeks of Photography training & improve your photos!
During this class we will spend a lot of time taking photos. Use one of our DSLR Cameras or bring your own DSLR.
Course Fee: only ₹3000
Topics to be covered include: Camera controls, Composition, Portraits, Photo journalism, & Much More!
Class will be held Monday, Tuesday & Wednesday from 1pm - 3pm in The Blue Room at Life Cafe
Class to be taught in English by Professional Photographer Tom Eby
Seats are limited - Register at Life Cafe
For More information Call - 91 90894 77997

PIGROW Tablet
VAWK INTANGNA DAMDAWI
I vawk zawr hun tlingna dingin kum khat nek tam ngahk ngai tanaw nih.
A THATNA:
* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
* PIGROW mum hin, i vawk chu i pek tana inthawk chawl der loin an thang tir thei.
A PEK DAN DING:
* Vawk pakhatang nikhatah mum 20 (zingtieng mum 10 le zantieng mum 10) pek ding.
* Box khat ah mum 600 a um a, chu chu thlakhat sunga a fakzo ding a nih.
* Rawt phita pek in fak awlsam an ti lem.
INCHAWK THEINAHAI:
1. Hmingi
2. L.K. Screen Printing
Bethel, CCPur
Lighthouse Lane, CCPur
8414852391
3. Pet Care Centre, Tiddim Rd. CCPur.
Order tam dan dungziin HOME DELIVERY khawm kan thaw thei.

US-in North Korea Hrem Nawk Zuol A Nuom

WASHINGTON: United States chun North Korea-in a nuclear program a tawpsan a, nuclear bomb le missile a ensin hlakhai a tawpsan theina dingin a ni phawt chun, tharum chie an naw khawma fak le dawn le sumdawngna thilal ensanna sukkhauin, international diplomatic pressure sukkhuratit tuta nek nasa lema rekbeta hrem nawk zuol a nuom thu a hril. Chu khawm chu a la thei naw a nih chun "thei ang ang" kawng hmang a tum thu Nilainia US President Trump sawrkar lusa pawlhai meeting chun an rel.



Hi thurel hi China khawmin tha a ti a. Tharum hmanga indona suksuok nek chun, tharum hmang lova indona pumple theina ding a ni phawt chun economic sanction le thua biekena le nawna chu nei a thla lem nia a hriet thu a hril. China hin North Korea rekna dingin an rama lungmeihawl sumdawngna khawm a kharpek tah a nih. UN Security Council-in economic sanction rik lem a

puongna dingin Zirtawpni hin Rex-in UN ah putlut a tih. US House of Senate po po le House of Representatives po po briefing an thaw hnunga thusuok an siema chun, Secretary of State Rex Tillerson, Defense Secretary Jim Mattis le Director of National Intelligence Dan Coats hai chun North Korea chu, "national security threat le top foreign policy priority" tiin an hril a. A nuclear ralthuom program suktawpna ding a ni phawt chun "bau dama inbiek" khawm US a nuom niin an hril bawk.

Hianga US hmalakna le thurel, nuclear program intawptir tumna hi, tawng chapo tak le ucho North Korea military ruok chun, "mang phan mei mei" tiin "hmunphia tuipui phitfai tum" ang chau a nih tiin a hril.

"Tuhin chu China khawmin North Korea tum zie, ring tlak a ni nawzie a hriet ve tah a. A nuclear program suktawp pawimaw zie a hriet tah bawk leiin thaw tlang inhaw sawt tang a tih" tiin White House thusuok chun a hril a. China khawmin, tharum thang

inza loah an tum a. China suklungsen a than aw ding ti leiin Trump chun "One China" policy a pawm thu a hril a. Thla hmasak kham Chinese President Xi Jinping leh Florida ah an inbiek thei tah a nih. China-in a kal zing lai khawmin Taiwan le US in-

laichinna chu hma a sawn pei thu a hril a. US a inthawkin jet fighter tha bik le stealth bomber iemani zat inchawk an tul thu a hril a nih. Taiwanin ralthuom an chawk rawna tak chu US a nih.

Hi thu le inzawm hin China Defence Ministry chu Ningain kham thla tina briefing a thawnaah, thupse-sawngtu Yang Yujun chun, Taiwan-in US jet fighter F-35 inchawk a tum hi a kala rem a tipui nawh tiin a hril. Taiwan chun ralthuom an chawk nuomhai list (weapons purchase list) Washington ah a peklut phawt a ngai a. Tulai hin US hotuhai an la buoi leiin an la pek lut naw deuh niin Tsai chun a President office a inthawkin a hril.

North Korea hin US kap phak ding Intercontinental Ballistic Missile (ICBM) siem suok tain an hril leiin US chun lo invengna dingin an ralring zing a nih. North Korea-in a ti anga a kap thei tak tak a ni chun a kap le inruola kap ve nhal dingin South Korea ah sipai sing nga nek tam a sie a nih. North Korea enthatlu mihthemhai chun, US kap phak ICBM chu a hnaitakah 2020 khin a nei thei leh nei thei chawh a tih, tiin an hril.

Office of the BHARATIYA JANATA PARTY (BJP)
55-Tipaimukh (ST) Assembly Constituency
April 26, 2017, 10:30AM kham Prof. Dr L. Fimate, Executive Member, BJP Manipur Pradesh inrawinain Pu Lalhmunsiem In, Rengkai-ah kum 2016-19 sunga Tipaimukh Mandal BJP Office Bearers thlangna nei a ni a, hieng a hnuoia hai hi secret ballot hmanga thlangting an nih.
1. President : Lalringum Inbuon - Phulpui
2. Vice President : Jehovah Malsawm - Lungthulien
3. Vice President : Lallawmthang - Senvawn
4. Vice President : Lalnunlien - U.Kharkhuplien
5. General Secy. : LD Lungtau - Senvon
6. General Secy. : John William - Parbung
7. Secretary : Lalramsang Sungte - Tuolbung
8. Secretary : HP Thuomlien - Taithu
9. Secretary : Simon H. Pudaite - Patpuihmun
10. Treasurer : Lalhuopvel - Parbung
EXECUTIVE MEMBERS:
1. Lalhmangai, 2. Lalvullien; 3. Lalhmingthang; 4. Zohmingsang; 5. Sumneisang; 6. Runa; 7. Lalrosiem Khobung; 8. Ramhuolien; 9. Paulalsiem; 10. Ronghak-lien Fimate; 11. Lallawmum; 12. L. Rochang; 13. Laltlanthang; 14. L. Rochung; 15. Lalchawisang Joute; 16. Lalchawi; 17. Hmangkhum Songate; 18. Sangneithang; 19. Jimson; 20. Lamneithang; 21. Khawlnoisang; 23. Zawlilkung; 24. Samuel
Dated: Churachandpur 26th April, 2017. Sd/-L.D. Lungtau General Secretary.

LAWMTHU HRILNA
Hun iemanichena inthawk ta kham Pile natna ka nei a. Sawt tak tak inhawmain hun ka hmang a, a chang hangin thisen a suok a, ka tawh a lung lienin a hung puom a, ka kawng a hung na a, Gastric a hung um a, ka phing a hung inri rak rak a, ka tak-sa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchimbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/7628890261 haiah biekravn thei a nih.
Lawmthu hriltu, Sd/-Vashi New Lamka

Hindi Film Star Un Vinod Khanna A Thi

MUMBAI: Hindi cinema screen kum tamtak lo chei-mawitu, 1960s, 70s le 80s bawr laia Bollywood actor inlar, a naupa Saif Ali Khan hung inlar hnung chen khawma an larna le hlutna la chuoii chuonng lo "Qurbani", "Amar, Akbar, Anthony", "Dilwale" "Mere Apne" le a dang danghai a inlar em em Vinod Khanna (70) chu Ningani zingkar khan Mumbai hospital ah muol a lo liem tah.

Vinod Khanna hi March 31 khan Sir HN Reliance Foundation Hospital, Mumbai ah dehydation leini admitt a lo nih a. A that met hnungin hospital a suoksan nawk a. Kum 70 tling tah a ni leiin a t ha hrat thei ta naw ning a tih, admitt a ni nawk a. A thi tah a nih. Hospital thuneituhai chun a thina san tak hi chieng takin an hril nuom nawa chu gall bladder cancer nia hrict a nih.

Vinod Khanna hin Hindi film a chang hmasatak chu "Man Ka Meet" (1968) a nih a. Hindi film 141 zet a chang hman a nih. A film inlar deuh deuhai chu Mere Apne, Mera Gaon Mera Desh, Gaddaar (1973 film), Jail Yatra, Intihaan, Muqaddar Ka Sikandar, Inkaar, Kuchhe Dhaage, Amar Akbar Anthony, Rajput, Qurbani, Kudrat, Dayavan, Kaar-



nama, Surya: An Awakening le Jum hai an nih. Film an langna nuhnungtak chu 2015 Shah Rukh Khan changna "Dilwale" kha a nih.

Vinod Khanna hin Filmfare Award nomination 5 neini Award 2 a dawng bakaw, Stardust Award (Role Model of the Year) (2005) le Zee Cine Awards Lifetime Achievement (2007) hai a dawng baw. 1982 khan hlaak tieng le sakuuona tieng inhnin film bansanin Osho Rajneesh a zui a. Kum 5 vel hnungah hung kir nawkin "Insaaf" a siema, a hlwtling hle. Mak deuh chu, 1987-a Dimple Kapadia le an changna "Zooni" chu wavisun chenin release a la ni nawh.

October 6, 1946-a pieng Vinod Khanna hin politics khawm a lo khel a. Kum 1997 khan BJP a zawm a, Gurdaspur Lok Sabha seat, Punjab a inthawkin thlangtlingin a um

a. 1999 khan a biel bawka inthawka thlangtling nawk niin 2002 khan Union Minister of Culture and Tourism a nih a. Thla ruk hnungah kaisangin External Affairs (Minister of State) pek a nih. 2004-in thlangtling nawk a ni a, 2009 khan hnebanin a um a, 2014 ah Gurdaspur a inthawk bawkin thlangtling nawk a nih.

Politics le film tieng a chawh hnungin April 27 khan gall bladder cancer leiin fam a lo chang tah a nih. A thi le inzawm hin Karan Johar chun inza enterina dingin a film thar "Baahubali 2: The Conclusion in Mumbai" insuo tan ding chu a thul a nih. "Vinod Khanna inzana entrina dingin "Bahubali" wawizana tlangzar ding chu thul a nih a, a team po povin kan sun takzet a nih" tiin Twitter ah a post.

"Star War: Episode IX" May 2019 ah Release Ding

LOS ANGELES: Mi tamtakin an nghakha em em "Star Wars: Episode IX" chu hung tung ding May 24 khin tlangzar ni tang a tih, tiin Walt Disney thusuok chun a hril. Hi baka hin December vel khin science fiction pahni thar tlangzar a tum baw. "Star Wars: Episode IX" hi a detail kimchang hrict a la ni nawa chu director ding chu Colin Trevorrow ning a tih.

Tuta "Star War: Episode IX" hi Disney-in George Lucas Film 2012 kuma \$4 billion zeta an chawk trilogy a complete-na ding a ni tah. Star War film original tak 1997 a mi keikhawmtu "Star Wars: The Force Awakens" chu December 2015 khan release a nih a. "Star Wars: The Last Jedi" chu Dec.15, 2017 khin tlangzar ning a tih.



"Star Wars: Episode IX" tlangzar na ding hun sawn hnai a nih tah lei hin Disney sum hmu rawna tak dang, blockbuster baw "Indiana Jones", Harrison Ford changna film thar July 2019 a tlangzar ding ti khawm a hun sawn hlaiin July 2020 vela thawlenia Disney thusuok chun a hril.

Angelina Jolie Le A Naupa Shiloh An Bazaar

LOS ANGELES: A pasal Brad Pitt leh an inthea inthawka naupa upa lem Shiloh (10) leh an pahni chauva an leng suokna hmasatak dingin Angelina Jolie chu Nilaini khan a naupa Shiloh thuoiiin Los Angeles bazaar, Guitar le music instrument hran hran zawnra a feupui a. Acoustic ukelele (Hawaiian hai Guitter hruu i lei) an chawpek a. Shiloh chu a hlim hle a, dawr an hung suok chara inthawkin lampui ah a hung per malam pei ngah a nih. Musician a hung ni dim hrict an nawh.

Angelina Jolie chu a dum vawngin an thuum a. A pheikhaw le sunglass chenin a dum a. A chungah over-coat dum baw a hak a, kekawr tluon dum leh a sam dunsen thalin a la fit tha hle. Shiloh chu navy baseball cap khumin, zakuo lukhum nei (Hoody) vut rawng zakuo hakin Army form (camouflage) kekawr bul le pheikhawk dum a bun a, Bag a pai baw a. A pa a ang hle.

Mak ve deu chu, an hausak vei leh, David Beckham a nuhmei Victoria fashion company Victoria Secret partner Target



dawr, discount thuumhnaw zawnraa inthawkin an hung suok tlat. Mihausa khawmin thuumhnaw discount chu an lo dit ve

tho a nih. Target le Victoria Secret hin naupang le nuhmei thuumhnaw bik man tlawmte te'n a zawr hlak a nih.

Shiloh hi Angelina Jolie le Brad Pitt hai nau hmasatak a ni a. Angelina nautak hmasatak a ni baw. Angelina le Pitt chu 2005 "Mr & Mrs Smith" ah khan an inhmua a. An umkawr tah char char a, 2006 khan Shiloh hi a pieng ngah a. Sang pakhat a nei baw a. Anachu, August 2014 khan France ah dan ang takin an innei chau a nih.

Nautak pahni an neia, naulak pali an enkawl zing hnung, an innei tak taka inthawka kum 3 khawm la tling lovin September 2015 khan Angelina chun inthe rawtin "divorce" a file a. Brad Pitt chu zuri zing zing le nauhai chawkuoia tia intumin an hmu khawm a phal nawa chu, DCFS-in Brad Pitt suksuolna a hmu chuonng nawa chu naupanghai kan chu doktor enkawlina hnuoia chau nei dingin a phalpæk a.

Hun liem peiin an inhrictiethem nawk met met a, tuhin chu Brad Pitt khawmin a nauhai a hmu zing zing tah niin TMZ chun a ziek. Thla hmasak khawm khan an pahniin hmasanah an inbiek tah a, kara pali an hmang tah nawh. "Thil uolau khan vantlång hmaa inlang ta lova an um tan leiin Pitt khawm a hlim tah hle a. Ni dang nek in a hlim tah hle" tiin miha mhu tu chu a hril.

Jessica Alba, Elle Magazine Cover Sukmawi

LOS ANGELES: "Fantastic Four" le "Dark Angel" haia lo inlar tah, nau pahni nei hnung khawma nunghak ang thova la nal le hrisel Jessica Alba (35) chu Elle magazine (Australia) edition cover ah puon eng tiela thui zakuo (Gown) hakin an langa, a sukmaui hle. "Ka taksa (figure) ka ngaiven taluo hlak leiin ruol lai khawm inhawmin ka um nei nawh" titu chu a that nawn hmu ding a vang hle.

Chubakah, nuhmei celebrity danghai angin lengna ding hun a nei ve mang naw niin a hril. "Ka pasal le kan inhmua hmain thla riet malin ka lo um a, leng suokna ding rak khawm ka nei nawh. Ka hmel le pum inlang dan hi ka ngai pawimaw em a. Kei le kei kan hrict nawk taluo lei hin mani irringzona ka tlasam deuh niin ka hrict" tiin a hril a. Nuhmei danghai anga ler le bon taluo anga inlang a nuom naw thu a hril baw.

Nau pahni nei tah Jessica chun, Dark Angel-a a co-star, ama neka kum 12 laia upa Michael Weatherly leh kum 18 a ni laiin an innei a, hi hin a siemtha niin a



"Ka neka kum 12 zeta upa ka nei a na, a puittling ta baw leiin a mi siempuittling a nih" tiin a hril. Jessica le Michael hi 2000-2003 chen an innei a. Chu hnung kum khat velah tuta a pasal Cash leh hin an innei a.

Film le TV producer Cash le Jessica hi The Fantastic Four (2004) an siem laiin an inhmua a, 2008 khan an innei a nih. Naunuhmei pahni an nei a, Honor Marie Warren (8) le Haven Garner Warren (5) hai. "The Honest Company" neitunu hin actress a nina san chu, a piengzie infuk an ti naw taluo leia acting thaw niin an hril a. A nauhai hmaa ruok chu ama le ama an sinta suklang a tum ngai naw niin a hril baw.

Priyanka: Hollywood-a Ngaisang Hlaw Beisei Lo



MUMBAI: Indian film star hmingthang Priyanka Chopra chun, India rama ngaisang a ni ang le an lar ang hin Hollywood ah chu ngaisang hlaw a beisei naw thu a hril. Kum 34 a upa Priyanka Chopra chun, "Bollywood ah inlar ta leiin Hollywood ah inlar ngah ding tina a um nawh. Hollywood ah chu hrict khawp lo ei la nih. Chuleiin, mani introduce thaw kan zak ngai nawh" tiin Hollywood le Hollywood inangnawnahai a hril.

"India ramah star ka ni tah leiin khawvel khawli khawm fe lang star ka nih el ding tina a um nawh. Rambung hran hranin celebrity hran hran an nei seng a. Chuleiin, India rama kan lar angin mi ramah kan lar ve el ka ring nawa, ka beisei baw nawh"

Israel-in Syrian Army hai umna a bomb

TEL AVIV: Intelligence thusuok le Syrian helpawhai hril dan chun, Ningani khan Israel vuongnahai chun Damascus airport kawla Lebanese Hezbollah helpawhaiin Iran a inthawka ralthuom an dawng vetna hlak hmun pakhat chu an bomb niin an hril. Hi lai hmun hi Iran sawrkarin Syria helpawl Hezbollah hai ralthuom ding military le commercial vuongnahai hmanga ralthuom a thak khawl peka hmun a nih.

Kum ruk neka tam civil war hmasuon tah Syrian President Bashar al-Assad hi Russia le Iran han an thlawp a, Iran a Shi'ite militant Hezbollah hai chu Israel hmelmah hlun Iran sawrkarin a thangpui hlak a nih.

Israel intelligence minister Israel Katz chun, US official hai le an inbiek zing laiin, "Israel vuongnahaiin Hezbollah hai camp an va bomb hi, Iran-in Hezbollah helpawhai ralthuom a supply-na hrim hrim chu a dangna dingin Israel-in bei pei a tih ti policy



umsa an sukpuittlingna a nih ti an hril. Syria-a hin Hezbollah helpawl sang tamtak an um a, Iran thangpuinain Israel hi an bei hlak a nih. Israel chun, Syria a theida lei ni lovin, a rama Hezbollah helpawhai thanguina dinga ralthuom phur lut reng reng chu "red line" tiin a bei ngah pei ding thu a lo hril der tah a nih.

Syrian Hezbollah helpawl hai hin ramri a inthawkin rocket hmangin Israel hi an kap vet leiin Israel ta ding chun chim an um em a. Syria sawrkarin a hum tiat leiin Syria khawm a theida phaah, Amiruokchu, a thlawna hringna lak nuom lovin an ralthuomhai chauh suksietpek a tum hlak a nih.

MLS-ah Kaka-in hlaw rawntak

Major League Soccer-ah Kaka hlaw khum thei an la um hri nawh. Brazilian midfielder hin season khata pound makteduoi 5.6 a hlaw a, MLS-ah kum thum sung a zawnna hlaw rawntak ngirhmun a hauna a nih.

MLS tienga insawn hlim Bastian Schweinsteiger chu player hlaw rawn Top Ten-ah an lang a, pasarina hmun hluoin season khata pound makteduoi 4.2 lai vel a hlaw phak a nih. Toronto-in player hlaw tiengah seng rawn an inhuom ti an lang a, top ten-ah an player pathum lai an inlang phak a nih.

Toronto forward sungvawr Sebastian Giovinco chun kum khata pound makteduoi 5.5 hlawin Kaka hnuoi chara a um a, midfielder Michael Bradley chun pound makteduoi 5.1 hlawin pathumna hmun a hluo a, forward Jozy Altidore chu parietna hmun hluoin pound makteduoi 3.8 a hlaw a nih.

New York City a'nthawp top ten-ah Andrea Pirlo le David Villa hai an inlang a, Italian midfielder Pirlo hin pound makteduoi 4.6 a hlaw laiin Villa hin pound makteduoi 4.4 a hlaw ve thung. Player langsar hai lai Ashley Cole chu hlaw tam top ten-ah an lang phak ve naw a, England international defender hlui hin season khatah



£294,283 a hlaw a nih. MLS player hlaw hau top ten Kaka (Bra) Orlando City £5.6m Sebastian Giovinco (Ita) Toronto £5.5m Michael Bradley (US) Toronto £5.1m Andrea Pirlo (Ita) New York City £4.6m David Villa (Spa) New York City £4.4m Giovanni dos Santos (Mex) LA Galaxy £4.3m Bastian Schweinsteiger (Ger) Chicago Fire £4.2m Jozy Altidore (US) Toronto £3.8m Clint Dempsey (US) Seattle Sounders £3m Diego Valeri (Arg) Portland Timbers £2m

WORLD CUP 2018-AH VIDEO REFEREE HANG DING

FIFA President Gianni Infantino chun kum thar 2018-a Russia rama World Cup nei dingah Video Referee hmang a ni ding thu a hril. Hi Video Assistant Referee (VAT) hin goal le goal naw, Red Card chungchang bakah Fouling le Penalty inpek chongchang a thangpui hle dinga ring a nih. Infantino hril dan chun

hi VAT hi hmang dingin mi tam takin thurawn an pek ta thu le hmang nei ni sien ti an tam hle leia hieng ang hi rawt a ni thu a hril. FIFA hnuoia inelnaa ding bikin VAT hi nikum December khan Japan rama Club World Cup-a lo hmang a ni ta a. Chun thla hmasak khan Spain le France hai friendly match-

ah hmang a ni baw bakah nikum September thlaa France le Italy friendly match-ah hmang a ni ta baw. Chun Domestic League-ah Australia A-League khawma an lo hmang ta a a, England Football Association khawma tukum August thlaa inthawk khin hmang tan an tum baw.

ENGLISH PREMIER LEAGUE: Tottenham chun Crystal Palace hnein Chelsea an hnawt pei a, Arsenal khawm Top 4 beiseina an la nei hram hram

English Premier League inkhel Nilaini khan pathum a um a. Arsenal chun Champion lai Leicester City an lo mikhuol a, vagnei thlak takin 0-1 in an lo hrat lem leiin palina thung an inbeiseina chu a la hring pei. First half chenah goal thun bik an um naw a, minute 86 naah Leicester City Player Robert Huth chun anni goal tieng a thun pal a, chu chu Arsenal chun an hratpui ta a nih. Arsenal hin ball possession an hau hle a, 70% tawp an nei phak a, anachu goal an thun thei bik nawh. Arsenal an hrat le inzawm hin Manchester United hnuoi charah point 60 neini parukna an ni mek a. Pakhatna Chelsea nekin point 18 in an tlawm lem baw. Leicester City ruok



chun inkhel 33-ah point 37 neini 15-na an ni ve thung. Table mawngdapa um ve ve Middlesbrough le Sunderland an inkhel ve a, Middlesbrough chun 1-0 in an hne a, anachu relegation zone an la suoksan thei chuonng nawh. Middlesbrough ta dinga goal umsun le hrana goal thuntu chu Marten De Roon a nih a, minute 8 naa a thun a nih. Middlesbrough hin inkhel 34-ah point 27 chau neini a hnuoi tak dawt an ni a, Sunderland

khawm inkhel 33-ah point 21 chau neini a hnuoinhung takah an um mek baw. A tawpna takah Crystal Palace le Tottenham an inkhel a, Tottenham khawma Christian Eriksen goal khat hmangin 1-0 in an hne hram a, pakhatna Chelsea an hnawt tung pei. Inkhel 33-ah Chelsea hin point 78 neini Tottenham hin point 74 an nei ve thung. Inkhel vawile ve ve an la neia hin Title lak ngei an inbeisei ring a um baw.

SPANISH PREMIER LEAGUE: Barcelona le Real Madrid an hrat zawm pei leiin title inchuna a nasa deu deu

Spanish Premier League inkhel Nilaini khan pali a um a. Barcelona chun Osasuna an lo mikhuol a, goal 7 tawp an lo inba. Inkhel tana inthawk minute 12 na chauah Lionel Messi chun goal hmasa a thun a, minute 30 naah Andre Gomes chun goal dang a hung thun ve nawk a, half zo char minute 48 naah Osasuna tiengin Roberto Torres hmangin goal khat an thun ve a. Minute 57 naah Andre Gomes bawkin goal a hung thunsu a. Chu hnung minute 61 naah Lionel Messi chun a goal wawihni thunna dingin a hung thun nawk a. Chu zo char minute 64 naah Francisco chun Barca ta ding bawkin goal a hung thun nawk a. Barcelonaa kum 7 tawp hun hmang tah Maschareno chun minute 67 naah Penalty a thun a, hi hi Barca ta dinga a goal thun hmasak tak a la nih. Hun tawp hma met minute 86 naah Francisco bawkin goal



tawpna a hung thun a, hun tawp chenah Barca chu 7-1 in an hrat lem ta a nih. Hi dungzui hin Barca hi inkhel 34-ah point 78 neini Real Madrid leh an inang char a, Real Madrid chun game in hand pakhat an nei ve thung. Real Madrid khawm Deportivo La Coruna khelmuolah an inzin a, goal 6 tawp an va thun ve. An goal thun khawl C. Ronaldo in nau sien khawm Deportivo chun an ter naw hle. Minute tlawmte chauah Morata chun Real Madrid ta dingin goal a thun ngah a. Minute 14 le 66 haiha James Ro-

driguez chun goal a thun baw a. Minute 44 naah Lucas Vazquez chun Real ta dingin goal khat a thun ve a, minute 77 le 87 haiha Isco le Casemiro haiin goal khat ve an thun baw. Deportivo ta dingin Florian Andone le Joselu hai chun minute 35 le minute 84 haiha goal khat ve ve an thun a chu an ta dingin Real Madrid chun a tha taluo deu a nih. Deportivo hi tuhin Table-ah 16 na an ni mek. Result danghai: Leganese 3-0 Las Palmas Valencia 2-3 Real Sociedad

Mizoram-in Uttarakhand 5 - 0 in hneban

National Junior Football Championships inkhel mekah chun Mizoram an match hmasatarkna-ah Uttarakhand hai 5-0 in an sawp. Inkhelna hi Bhillai, Chhattisgarh-ah nei a ni a, Mizoram hin April 28, khin Delhi inkhelpeu nawk an tih.

Mizoram umna group-ah hin Uttarakhand bakah Jharkhand le Delhi hai umin group hmalthuoiu chauin semifinal lut an tih. Mizoram hin kum 2013 kum tu tuma manager Hmingthansanga keihruoi-

na hnuoia hin BC Roy Trophy hi an lo lak tah a, kum hni sung chawl a ni hnungin nikum khan inkhel tan nawkin final-ah Punjab hai laka an tlawm lem a nih.

Mizoram manager Hmingthansanga chun, "Kan match hmasatak a ni a, ni a sa tha hle leiin duthamsamin kan inkhel thei naw a nih. Chu ruol ruol chuun goal 5 zet kan thun a, goal kan insuo naw leiin kan inkhel dan lawm aum hle a nih. Champion ngei tumin theitawp suo pei kan tih," tiin a hril.

Sindhu in hratna chang, Saina hrat lo



Badminton Asia Championships 2017 inkhel mekah nilaini khan PV Sindhu chun a match hmasa taka hratna changin Saina Nehwal ruok chun hratna a chang zo ve hri nawh.

Wuhan Sports Center Gymnasium-ah hin Indian shuttler Sindhu hin minute 31 sung chauin Indonesian nunghhak Dinar Dyah Ayustine chu 21-8, 21-18 in a hne a nih. Rio Olympics silver medalist Sindhu hin tulai hin hma a sawn pei a, January thla khan Syed Modi Grand Prix Gold-ah

champion lo nitah-in le thla bul lai khan India Super Series title a lak baw a nih.

World number 1 hlui Saina ruok chu inhma laia wavi nga zet a lo hne tah Sayaka Sato lakah 21-19, 16-21, 18-21 in a tlawm ve thung. Sato hin seeded pasarina India nunghhak hi wavi hni a hneha char a nih.

Men's single tiengah, Ajay Jayaram chun a match hmasatarkna-ah player tha hmasuon ngahlin, seeded pangana Tian Houwei chu 21-18, 18-21, 21-19 in a hne hram a nih.

HMAR MARTYRS TROPHY FIXTURE
Friday, 28 April 2017
1:00 PM Neihsiel Veng YC Vs Zoheisa FC
2:30 PM Thennuol Vs FC Ridil
27 April result:
Leisen FC 2 - 2 Kaphuom Memo. Team
YBFC Saikawt 6 - 0 Shanveng FC

SPANISH PREMIER LEAGUE TOP 5 GOAL SCORERS

| Pos. | Player | Team | Goals |
|------|--------------------|------------------|-------|
| 1 | Lionel Messi | Barcelona | 33 |
| 2 | Luis Suarez | Barcelona | 24 |
| 3 | Christiano Ronaldo | Real Madrid | 19 |
| 4 | Antoine Griezmann | Atletico Madrid | 16 |
| 5 | Iago Aspas | Celta Vigo | 16 |
| 6 | Auriz | Athletico Bilbao | 14 |